



KANAK-KANAK DIUTAMAKAN

DASAR DAN PELAN TINDAKAN PENJAGAAN KANAK-KANAK PULAU PINANG



MAC 2013

RINGKASAN EKSEKUTIF

Pendahuluan

Kerajaan Negeri Pulau Pinang mengiktirafkan keperluan untuk melindungi hak kanak-kanak seperti yang termaktub dalam Konvensyen Bangsa-Bangsa Bersatu (PBB) mengenai Hak Kanak-Kanak dan juga menyedari akan masalah yang dihadapi oleh keluarga-keluarga berkenaan penjagaan anak mereka dalam keadaan sosio-ekonomi semasa.

Dasar Penjagaan Kanak-Kanak Pulau Pinang akan berusaha untuk memberikan hak sejagat dan akses kepada penjagaan kanak-kanak yang berkualiti, selamat, dan berpatutan untuk memastikan kesejahteraan setiap kanak-kanak berumur 12 tahun ke bawah.¹ Tambahan pula, dasar ini akan membantu meningkatkan ekonomi Pulau Pinang dengan membolehkan melalui peningkatan penyertaan wanita dalam tenaga kerja serta menggalakkan keseimbangan kehidupan antara kerjaya dan keluarga dan ianya sebahagian daripada program Kerajaan Negeri untuk mencapai pembangunan sosial dan ekonomi yang mapan dan menyeluruh.

Objektif

Dasar ini digubal untuk mencapai objektif seperti berikut:

- Kesejahteraan dan keselamatan kanak-kanak
- Peningkatkan penyertaan wanita sebagai tenaga kerja
- Keseimbangan kehidupan kerjaya dan keluarga

Konteks Pulau Pinang

Dalam usaha memenuhi keperluan masyarakat secara berkesan, Dasar dan Pelan Tindakan Penjagaan Kanak-Kanak Pulau Pinang mengambil kira keadaan semasa yang relevan di dalam negeri, iaitu:

- Data kategori umur penduduk Pulau Pinang
- Ketidakselarasan antara penawaran dan permintaan
- Perkhidmatan penjagaan kanak-kanak yang diterajui oleh sektor swasta
- Kekurangan penjagaan yang berkualiti dan persekitaran yang inklusif untuk kanak-kanak berkeperluan khas

¹ Walaupun definisi undang-undang bagi "kanak-kanak" mengikut Konvensyen PBB mengenai Hak Kanak-Kanak dan Akta Kanak-Kanak Malaysia 2001 digunakan bagi mereka yang berumur 0-18 tahun, Dasar Penjagaan Kanak-Kanak ini disasarkan kepada kanak-kanak berumur 0-12 tahun sebab mereka adalah kumpulan yang lebih terancam dan memerlukan perlindungan, dan keperluan mereka adalah lebih mustahak. Di samping itu, ia didapati bahawa memperoleh penjagaan berkualiti telah menjadi semakin sukar disebabkan masalah yang berkaitan dengan mendapatkan bantuan domestik dan juga kenaikan kos penjagaan kanak-kanak, terutamanya mereka yang di bawah umur empat tahun. Dasar ini juga menghadkan skop kepada penjagaan kanak-kanak, dengan tidak mengambil kira institusi pendidikan seperti tadika, kerana tadika melibatkan isu-isu yang berbeza yang lebih sesuai ditangani secara berasingan.

Teras Dasar Utama

Dengan tujuan untuk mencapai objektif yang telah ditetapkan dan mengambil kira konteks semasa dalam negeri, perkara-perkara yang berikut telah dikenal pasti sebagai teras utama Dasar Penjagaan Kanak-Kanak Pulau Pinang:

1. Memastikan Akses Saksama untuk Penjagaan Kanak-Kanak yang Selamat dan Berkualiti
2. Menambahkan Bilangan Pusat Penjagaan Kanak-Kanak di Tempat Kerja
3. Menubuhkan Pusat Penjagaan Kanak-Kanak Berasaskan Komuniti
4. Menambahbaikkan Penjagaan di Tempat Kediaman
5. Membimbing Perkhidmatan Penjagaan Kanak-Kanak Sektor Swasta

Satu rangka kerja keinstitutionan akan dilaksanakan untuk memastikan pencapaian teras dasar melalui pelaksanaan Pelan Tindakan yang berjaya.

Pelan Tindakan

Satu pelan tindakan telah dirangka untuk mencapai teras dalam dasar, dan seterusnya mencapai objektif dasar. Item penting bagi setiap teras adalah seperti yang terbentang di bawah:

1. Memastikan Akses Saksama untuk Penjagaan Kanak-Kanak yang Selamat dan Berkualiti:

Satu pemetaan pusat penjagaan kanak-kanak di negeri ini akan dijalankan dan insentif akan ditawarkan untuk menggalakkan pengusaha menubuhkan pusat penjagaan kanak-kanak di kawasan yang kurang perkhidmatan sedemikian. Adalah disyorkan bahawa elaun penjagaan kanak-kanak disediakan untuk keluarga berpendapatan rendah yang menghantar anak mereka ke pusat penjagaan kanak-kanak yang berdaftar.

Latihan bersubsidi akan dianjurkan untuk pengusaha penjagaan kanak-kanak demi meningkatkan kualiti penjagaan. Latihan ini akan menggabungkan modul-modul tentang asuhan inklusif untuk kanak-kanak berkeperluan khas dan protokol untuk memastikan keselamatan kanak-kanak. Pasukan professional penjagaan awal kanak-kanak (ECCE) yang berasingan, ahli terapi profesional dan Pelawat Rumah (*Home Visitors*) akan ditubuhkan untuk memberi sokongan kepada pusat penjagaan kanak-kanak yang beroperasi di institutsi dan rumah.

Untuk memudahkan penjagaan inklusif bagi kanak-kanak istimewa, kempen kesedaran memperolehi hasil positif program inklusif akan diadakan dan sistem ganjaran akan diwujudkan untuk pusat-pusat penjagaan kanak-kanak yang mempratikkan amalan inklusif. Latihan dan mekanisme sokongan yang lain seperti ahli terapi yang mengunjungi pusat penjagaan serta pengasuh akan diperkenalkan untuk memudahkan amalan inklusif.

2. Menambahkan Bilangan Pusat Penjagaan Kanak-Kanak di Tempat Kerja:

Peraturan dan garis panduan akan dikaji semula bagi memudahkan penubuhan pusat penjagaan kanak-kanak pelbagai jenis di tempat kerja. Kempen berasaskan sektor akan dianjurkan untuk mempamerkan pusat penjagaan kanak-kanak di tempat kerja yang sedia ada dan menggalakkan majikan lain untuk menyahut cabaran. Satu kemudahan perkongsian sama untuk sektor perkilangan akan ditubuhkan di salah satu kawasan perindustrian dalam negeri sebagai model untuk dicontohi.

3. Mendirikan Pusat Penjagaan Kanak-Kanak Berasaskan Komuniti:

Taskom perintis akan ditubuhkan dalam tiga komuniti yang berpendapatan rendah sebagai kes ujian bagi pusat penjagaan kanak-kanak yang dikendalikan oleh komuniti setempat yang juga

akan memainkan peranan untuk menjanakan pendapatan bagi komuniti tersebut. Sokongan profesional dalam bentuk latihan, kajian semakan berkala dan pemantauan akan disediakan untuk memastikan kelestarian pusat penjagaan kanak-kanak komuniti ini. Penubuhan pusat penjagaan kanak-kanak yang direka khas akan dijadikan satu syarat untuk mendapatkan kelulusan bagi skim perumahan kos rendah.

4. Menambah Baik Penjagaan di Tempat Kediaman:

Latihan, pensijilan dan pendaftaran akan diperkenalkan dalam usaha merasionalisasikan sektor penjagaan berpremis rumah. Sokongan profesional dan peningkatan kemahiran akan disediakan melalui satu pasukan Pelawat Rumah yang terlatih dalam ECCE.

5. Membantu Sektor Perkhidmatan Penjagaan Kanak-Kanak Swasta:

Dalam usaha meningkatkan kualiti penjagaan di pusat penjagaan kanak-kanak swasta, program latihan yang telah ditambah baik akan diperkenalkan untuk memastikan ketersediaan khidmat penjagaan kanak-kanak yang lebih bermutu bagi sektor ini. Peraturan dan garis panduan akan diselaraskan untuk memudahkan pelesenan pusat-pusat penjagaan kanak-kanak. Di samping itu, pelaksanaan garis panduan yang disemak semula oleh pihak Kementerian Perumahan dan Kerajaan Tempatan akan desegerakan untuk urusan perolehan pelesenan daripada Pihak Berkuasa Tempatan. Satu mekanisme dalam talian akan diperkenalkan bagi memudahkan lagi proses tersebut.

Penang Women's Development Corporation

PWDC Sdn Bhd (966791-W)

Add : TG 6 & TG 7, Level 47, KOMTAR 10503, Penang

Tel : 04-2615261 / 04-2612835

Fax : 04-2612839

Website : <http://www.pwdc.org.my>